

四庫全書

史部

欽定四庫全書

史部

西漢會要卷三十四至  
九

詳校官編修臣范來宗

編修臣程嘉謨覆勘

總校官知縣臣楊懋珩

校對官編修臣盧遂

謄錄監生臣翁蘭

欽定四庫全書

西漢會要卷三十四

宋 徐天麟 撰

職官四 封建

封功臣

漢興自秦二世元年之秋楚陳之歲初以沛公總帥雄  
俊三年然後西滅秦立漢王之號五年東克項羽即皇  
帝位八載而天下迺平始論功而定封訖十二年侯者

百四十有三人時大城名都民人散亡戶口可得而數  
裁什二三是以大侯不過萬家小者五六百戶封爵之  
誓曰使黃河如帶泰山若厲國以永存爰及苗裔於是  
申以丹書之信重以白馬之盟又作十八侯之位次孟

曰惟作元功蕭曹等十八人位次耳高后乃詔作位次  
下竟師古曰謂蕭何曹參張敖周勃樊噲酈商奚涓夏  
侯嬰灌嬰傅寬靳歙王陵陳武王吸薛  
歐周昌丁復蟲達從第一至十八也高后二年復詔

丞相陳平盡差列侯之功錄第下竟藏諸宗廟副在有  
司始未嘗不欲固根本而枝葉稍落也故逮文景四五

世間流民旣歸戶口亦息列侯大者至三四萬戶小國  
自倍富厚如之子孫驕逸忘其先祖之艱難多陷法禁  
隕命亡國或云子孫訖於孝武後元之年靡有子遺耗  
矣固亦少密焉故孝宣皇帝愍而錄之乃開廟臧覽舊  
籍詔令有司求其子孫咸出庸保之中並受復除或加  
以金帛用章中興之德降及孝成復加卹問稍益哀微  
不絕如綫善乎杜業之納說也曰昔唐以萬國致時雍  
之政虞夏以之多羣后饗共已之治湯法三聖殷氏太

平周封八百重譯來賀是以內恕之君樂繼絕世隆名  
之主安立亡國至於不及下車德念深矣成王察牧野  
之克顧羣后之勤知其恩結於民心功光於王府也故  
追述先父之志錄遺老之策高其位大其寓愛敬飭盡  
命賜備厚大孝之隆於是為至至其沒也世主歎其功  
無民而不思所息之樹且猶不伐况其廟乎是以燕齊  
之祀與周並傳子繼弟及歷載不墮豈無刑辟繇祖之  
竭力故支庶賴焉迹漢功臣亦皆割符世爵受山河之

誓存以著其號以顯其魂賞亦不細矣百餘年間而  
襲封者盡或絕失姓或乏無主朽骨孤於墓苗裔流於  
道生為愍隸死為轉屍以往况今甚可悲傷聖朝憐憫  
詔求其後四方忻忻靡不歸心出入數年而不省察恐  
議者不思大義設言虛亡則厚德掩息遘東布章非所  
以視化勸後也三人為衆雖難盡繼宜從尤功於是成  
帝復紹蕭何哀平之世增修曹參周勃之屬得其宜矣  
以綴續前記究其本末並序位次盡於孝文以昭元功

之侯籍

功臣表

高帝與功臣剖符作誓丹書鐵契金匱石室藏之宗廟  
列侯畢已受封奏位次皆曰平陽侯曹參功最多宜第  
一然上心欲何為第一鄂千秋曰蕭何當第一參次之  
上迺令何第一

蕭何傳

十二年詔曰吾立為天子帝有天下十二年於今矣與  
天下之豪士共定天下同安輯之其有功者上致之王  
次為列侯下乃食邑而重臣之親或為列侯皆令自置



吏得賦歛女子公主為列侯食邑者皆佩之印賜大第  
室吏二千石徙之長安受小第室入蜀漢定三秦者皆  
世世復吾於天下功臣可謂亡負矣云云

紀本

高后二年詔曰高皇帝匡飭天下諸有功者皆受分地  
為列侯朕思念至於久遠而功名不著亡臣尊大誼施  
後世今欲差次列侯功臣定朝位臧於高廟世世勿絕  
嗣子各襲其功位其與列侯議定奏之丞相臣平等言  
謹與絳侯臣勃曲周侯臣商潁陰侯臣嬰安國侯臣陵

等議列侯幸得賜餐錢奉邑陛下加惠呂功次定朝位

請臧高廟奏可

本紀

封外戚

高后欲立諸呂為王問王陵陵曰高皇帝刑白馬而盟  
曰非劉氏而王者天下共擊之今王呂氏非約也太后  
不說問左丞相平及絳侯周勃等皆曰高帝定天下王  
子弟今太后稱制欲王昆弟諸呂無所不可太后喜罷  
朝陵責平勃曰始與高帝啞血而盟諸君不在邪今高

帝崩太后女主欲王呂氏諸君縱欲阿意背約何面目見高帝於地下乎平曰於面折廷爭臣不如君全社稷

安劉氏後君亦不如臣陵無以應之

王陵傳

周亞夫為丞相竇太后曰皇后兄王信可侯也上曰始

南皮及章武先帝不侯

師古曰南皮竇彭祖太后弟長君之子章武太后母弟廣國

及臣即位廼侯之信未得封也竇太后曰人生各以時行耳竇長君在時不得侯死後廼其子彭祖顧得侯吾甚恨之帝趣侯信也上曰請得與丞相計之亞夫曰高

帝約非劉氏不得王非有功不得侯不如約天下共擊

之今信雖皇后兄無功侯之非約也上默然而阻

周亞夫傳

漢興外戚與定天下侯者二人故誓曰非劉氏不王若

有亡功非上所置而侯者天下共誅之是以高后欲王

諸呂王陵廷爭孝景將侯王氏修侯犯色卒至廢黜是後

薄昭竇嬰上官衛霍之侯以功受爵其餘后父據春秋

褒紀之義帝舅緣大雅申伯之意寢廣博矣

十五侯事

成帝河平二年六月悉封諸舅王譚為平阿侯商為成

都侯立為紅陽侯根為曲陽侯逢時為高平侯五人同日封故世謂之五侯太后母李氏更嫁為河內苟賓妻生子參欲以田蚡為比而封之上曰封田氏非正也以

參為侍中水衡都尉

元后傳

哀帝欲封祖母傅太后從弟商鄭崇諫曰孝成皇帝封親舅五侯天為赤黃晝昏日中有黑氣今祖母從昆弟二人已侯孔鄉侯皇后父高武侯以三公封尚有因緣今無故欲復封商壞亂制度逆天人心非傅氏之福也

臣聞師曰逆陽者厥極弱逆陰者厥極凶短折犯人者有亂亡之患犯神者有疾夭之禍故周公著戒曰惟王不知艱難惟耽樂是從時亦罔有克壽故哀世之君夭折蚤沒此皆犯陰之害也臣願以身命當國咎崇因持詔書案起傅太后大怒曰何有為天子乃反為一臣所顛制邪上遂下詔曰朕幼而孤皇太太后躬自養育免於襁褓教道以禮至於成人惠澤茂焉欲報之德皞天罔極前追號皇太太后父為崇祖侯惟念德報未殊朕

甚慝焉侍中光祿大夫商皇太后父同產子小自保  
大恩義最親其封商為汝昌侯為崇祖侯後更號崇祖  
侯為汝昌哀侯

鄭崇傳

### 封丞相

元朔中公孫弘代薛澤為丞相先是漢常以列侯為丞  
相惟弘無爵上於是下詔曰朕嘉先聖之道開廣門路  
宣招四方之士蓋古者任賢而序位量能以授官勞大  
者厥祿厚德盛者獲爵尊故武功以顯重而文德以行

褒其以高成之平津鄉戶六百五十封丞相弘為平津

侯其後以為故事至丞相封自弘始也

本傳

孝武元功宿將略盡會上亦興文學進拔幽隱公孫弘

自海瀕而登宰相於是寵以列侯之爵自是之後宰相

畢侯矣

恩澤  
侯表

朱博為丞相封陽鄉侯食邑二千戶上書曰故事封丞

相不滿千戶而臣過制願還千戶

本傳

平當為御史大夫至丞相以冬月賜爵關內侯

本傳漢  
儀注御



史大夫為丞相更春廼封  
李奇曰呂冬月非封侯時

### 遣列侯就國

文帝二年十月詔曰朕聞古者諸侯建國千餘各守其地以時入貢民不勞苦上下驩欣靡有違德今列侯多居長安邑遠吏卒給輸費苦而列侯亦無繇教訓其民其令列侯之國為吏及詔所止者遣太子

本紀下同

三年十一月詔曰前日詔遣列侯之國辭未行丞相朕之所重其為朕率列侯之國遂免丞相勃遣就國

景帝後二年十月省徹侯之國

晉灼曰文帝遣列侯之國今省之

繼絕

高帝五年下令曰楚地已定義帝以後欲存恤楚衆以定其主齊王信習知楚風俗更立為楚王

紀本

孝文元年更封蕭延為鄼侯

功臣表

孝景二年封故相國蕭何孫係為列侯

紀本

中元元年封故御史大夫周苛周昌孫子為列侯

紀本

孝武元光三年封高祖功臣五人後為列侯

紀本

元狩三年封故相國蕭何曾孫慶為列侯

紀本

孝宣地節二年詔大司馬大將軍博陸侯功德茂盛朕甚嘉之復其後世疇其爵邑世世毋有所與功如蕭相

國

紀本

地節四年封故鄼侯蕭何曾孫建世為侯

紀本

元康元年復高皇帝功臣絳侯周勃等百三十六人家

子孫令奉祭祀世世勿絕其母嗣者復其次

紀本

功臣子孫訖於孝武後元之年靡有子遺耗矣故孝宣

皇帝愍而錄之乃開廟藏覽舊籍詔令有司求其子孫  
咸出庸保之中並受復除或加以金帛用章中興之德  
降及孝成復加卹問稍益哀微不絕如綫杜業納說曰  
內恕之君樂繼絕世隆名之主安立亡國迹漢功臣亦  
皆割符世爵受山河之誓存以著其號亡以顯其魂賞  
亦不細矣百餘年間而襲封者盡或絕失姓或乏無主  
朽骨孤於墓苗裔流於道生為愍隸死為轉屍以往况  
今甚可悲傷聖朝憐憫詔求其後四方忻忻靡不歸心

出入數年而不省察恐議者不思大義設言虛也則厚德掩息遊東布章非所以視化勸後也三人為衆雖難盡繼宜從尤功於是成帝復紹蕭何哀平之世增修曹

參周勃之屬得其宜矣

功臣表

元康四年賜故右扶風尹翁歸子黃金百斤以奉其祭祀又賜功臣適後黃金人二十斤

本紀

成帝元延元年封蕭相國後喜為鄼侯

本紀

孝平元始二年封故大司馬博陸侯霍光從父昆弟曾

孫陽宣平侯張敖玄孫慶忌周勃玄孫共

按本傳乃孫之子恭

舞陽侯樊噲玄孫之子章皆為列侯復爵賜故曲周侯

酈商等後玄孫酈明友等百一十三人爵關內侯食邑

各有差

本紀

元始中太皇太后詔賜公孫弘後子孫之次當為後者  
爵關內侯召詣公車上名尚書朕親臨拜焉

王四夷君長

高帝五年詔曰故粵王亡諸世奉粵祀秦侵奪其地使

其社稷不得血食諸侯伐秦亡諸身帥閩中兵以佐滅秦項羽廢而弗立今以為閩粵王王閩中地勿使失職

紀本

十一年五月詔曰粵人之俗好相攻擊前時秦徙中縣之民南方三郡使與百粵雜處會天下誅秦南海尉佗居南方長治之甚有文理中縣人以故不耗減粵人相攻擊之俗益止俱賴其力今立佗為南粵王使陸賈即

授璽綬佗稽首稱臣

紀本

十二年詔曰南武侯織亦粵之世也立以為南海王

紀本

孝惠三年舉高帝時粵功曰閩君搖功多其民便附迺

立搖為東海王都東甌世號曰東甌王

閩粵傳

武帝建元四年南粵王胡遣太子嬰齊入宿衛元鼎四

年上書請比內諸侯三歲一朝除邊關於是天子許之

賜其丞相呂嘉銀印及中尉大傅印餘得自置

本傳

建元六年閩粵王郢攻南越越人殺郢降天子曰郢等

首惡獨無諸孫繇君丑不與謀迺使郎中將立丑為粵



繇王奉閩粵祭祀本傳

孝昭始元六年詔曰鉤町王毋波率其君長人民擊反

者斬首捕虜有功其立毋波為鉤町王

紀本

匈奴故印文曰匈奴單于璽

本傳王莽更曰新匈奴單于章

西南夷君長以百八

越本種百數

獨夜郎滇受王印

本傳

傅介子斬樓蘭王馳傳詣闕廼立王弟尉屠耆為王更

名其國為鄯善為刻印章賜以宮女為夫人

西域傳

關都尉文忠攻罽賓殺其王立陰末赴為罽賓王

同上

西域凡國五十自譯長城長君監吏大祿百長千長都尉且渠當戶將相至侯王皆佩漢印綬凡三百七十六

人

本傳

### 侯降虜

昔書稱蠻夷帥服詩云徐方既徠春秋列潞子之爵許其慕諸夏也漢興至於孝文時廼有弓高襄城之封雖自外徠本功臣後故自孝景始欲侯降者丞相周亞夫守約而爭帝黜其議初開賞之科云云

功臣表下

匈奴王徐盧等五人降漢

師古曰功臣表云睢徐盧

上欲侯之以勸

後亞夫曰彼背其主降陛下陛下侯之即何以責人臣不守節者乎上曰丞相議不可用廼悉封徐盧等為列

侯

周亞夫傳

### 封方士

藥大見武帝言黃金可成而河決可塞不死之藥可得僊人可致也上廼拜大為五利將軍詔以二千戶印得天士將軍地士將軍大通將軍詔以二千戶封地士將

軍大為樂通侯賜列侯甲第郊祀志

婦人爵邑

高帝封兄伯妻為陰安侯

高后二年封蕭何夫人為鄼侯蕭何傳

樊噲妻呂須為臨光侯

列侯太夫人夫人文紀七年如淳曰列侯之妻稱夫人列侯死子復為列侯迺稱太夫人子

不為列侯不得稱也

孝文十二年賜諸侯王女邑各二千戶本紀

武帝尊王皇后母臧兒為平原君

外戚傳

王皇后母前夫金氏女封修成君賜湯沐邑

同上

宣帝地節四年賜外祖母號為博平君以博平蠶吾兩

縣戶萬一千為湯沐邑

王夫人傳

金當上南大行為太夫人

文潁曰南當母名也上名狀於大行

王莽母賜號曰功顯君

王莽傳

平帝賜三妹謁臣號修義君哉皮為承禮君禹子為尊

德君食邑各二千戶

衛姬傳按本紀云賜帝女弟四人號皆為君今傳云三姊與紀不同

考當

王莽白尊太后姊妹君俠為廣恩君君力為廣惠君君  
第為廣施君皆食湯沐邑

元后傳

封建雜錄

列侯所食縣曰國

百官表

高帝十二年詔列侯皆令自致吏得賦歛女子公主為

列侯食邑者佩之印賜大第室

本紀

列侯賜餐錢奉邑

吕后紀應劭云諸侯四時皆得賜餐錢

秦漢之制列侯封君食租衣稅率戶二百千戶之君則

二十萬朝覲聘享出其中貨殖傳

孝武元鼎五年九月列侯坐獻黃金酎祭宗廟不如法

奪爵者百六人紀漢儀注云諸侯歲以戶口酎黃金於高廟

孝宣地節四年襄陽侯聖坐酎金介八兩少四兩免表

五鳳四年朝侯固城坐酎金少四兩免

揚邱侯坐出國界耐為司寇列侯坐罪奪爵者多矣畧舉數條以為例

終陵侯華祿坐出界耐為司寇表

祚陽侯仁坐擅興繇賦削爵一級

此類甚多皆不具載

孝景中二年令列侯初封及之國大鴻臚奏策列侯薨大行奏諡誅策遣大中大夫弔祠視喪事因立嗣其薨葬國得發民輓喪穿復土治墳止過三百人畢事

本紀

平當為御史大夫至丞相以冬月賜爵關內侯

本傳李奇曰以

冬月非封侯時且先賜爵關內侯也

西漢會要卷三十四



欽定四庫全書

西漢會要卷三十五

宋 徐天麟 撰

職官五

加官

侍中左右曹諸吏散騎中常侍皆加官所加或列侯將軍卿大夫將都尉尚書大醫大官令至郎中丞員多至數十人侍中中常侍得入禁中諸曹受尚書事諸吏得

舉法散騎騎並乘輿車給事中亦加官所加或大夫博士議郎掌顧問應對位次中常侍中黃門有給事黃門

位從將大夫皆秦制

百官表

西域都護加官

見上卷本條

### 爵

爵一級曰公士二上造三簪裹四不更五大夫六官大夫七公大夫八公乘九五大夫十左庶長十一右庶長十二左更十三中更十四右更十五少上造十六大上

造十七駟車庶長十八大庶長十九關內侯二十徹侯  
皆秦制以賞功勞徹侯金印紫綬避武帝諱曰通侯或  
曰列侯改所食國令長名相又有家丞門大夫庶子  
表

高帝五年詔曰軍吏卒會赦其七大夫呂上

師古曰七大夫公大

也夫皆令食邑非七大夫已下皆復其身及戶勿事

本紀

又曰七大夫公乘呂上皆高爵也爵或人君上所尊禮  
異日秦民爵公大夫以上令丞與亢禮今吾於爵非輕

也且法呂有功勞行田宅其令諸吏善遇高爵稱吾意  
且廉問有不如吾詔者呂重論之

八年令爵非公乘呂上毋得冠劉氏冠

孝惠即位爵五大夫呂上有罪當監械者皆頌繫上造

呂上當刑及當為城旦舂者皆耐為鬼薪白粲

並本紀

武帝時民多買復及五大夫千夫於是除五大夫千夫

為吏

食貨志

舊爵

上聞 古爵呂氏春秋曰天子賞魏文侯以上聞晉灼曰名通於天子也

樊噲自公大夫賜上聞爵

執帛

鄭氏曰楚爵也張晏曰孤卿也

夏侯嬰賜爵七大夫賜爵五大夫賜爵執帛

曹參自五大夫封執帛號建成君

執珪

如淳曰呂氏春秋得五員者位執珪古爵名也張晏曰侯伯執珪以侯位比之

夏侯嬰賜爵執帛賜爵執珪賜爵封

曹參封執帛遷為執珪封建成侯

卿

樊噲賜爵五大夫賜爵卿

博寬賜爵卿

封君 賜重封

叔孫通號稷嗣君

婁敬號曰奉春君

侯公平國君

曹參自五大夫封執帛號建成君

樊噲賜爵封號賢成君破南陽賜重封

博寬賜爵卿封號共德君

孔霸以帝師賜爵號褒成君

### 武功爵

武帝元朔六年詔曰日者大將軍巡朔方征匈奴斬首虜萬八千級諸禁錮及有過者咸蒙厚賞得免減罪今大將軍仍復克獲斬首虜萬九千級受爵賞而欲移賣者無所流貶其議為令有司奏請置武功賞官以寵戰

士紀

武功爵

臣瓚曰茂陵中書有武功爵一級曰造士二級曰閑輿衛三級曰良士四級曰元戎士五級曰

官首六級曰秉鐸七級曰千夫八級曰樂御九級曰執戎十級曰政戾庶長十一級曰軍衛此武帝所制以寵

軍功師古曰此下云級十七萬凡直三十餘萬金今瓚所引茂陵中書止於十一級則計數不足與本文乖矣或者茂陵書說之不盡也級十七萬凡直三十餘萬金諸買武功爵

官首者試補吏先除千夫如五大夫其有罪又減二等

爵得至樂卿呂顯軍功軍功多用超等大者封侯卿大

夫小者郎

食貨志



賜爵

立漢社稷

高帝二年令民立漢社稷施恩德賜民爵

紀本

即位

孝惠即位賜民爵一級中郎郎中滿六歲爵三級四

歲二級外郎滿六歲二級中郎不滿一歲一級官官

尚食比郎中太子御驂乘賜爵五大夫舍人滿五歲

二級

紀本

立皇太子

孝文元年建大子因賜天下民當為父後者爵一級

紀本

王皇子

孝景三年立皇子為王賜民爵一級

紀本

皇太子冠

孝景後三年皇太子冠賜民為父後者爵一級

紀本

改元

孝景中元年赦天下賜民爵一級

紀本

後元年赦天下賜民爵一級中二千石諸侯相爵右

庶長

紀本

征伐

高帝五年詔曰軍吏卒會赦其亡罪而亡爵及不滿

大夫者皆賜爵為大夫故大夫以上賜爵各一級其

七大夫以上皆令食邑

紀本

力役

孝惠五年長安城成賜民爵戶一級

紀本

募民徙塞

晁錯言守邊備塞事曰募輸奴婢欲呂拜爵者不足  
廼募民之欲往者皆賜高爵復其家郡縣之民得買  
其爵呂增至卿上從其言募民徙塞下

食貨志

郊祀

孝武元鼎四年行幸雍祠五時賜民爵一級女子百

戶牛酒

紀本

祥瑞

孝宣本始元年鳳皇集膠東千乘賜吏二千石諸侯相下至中都官官吏六百石爵各有差自左更至五大夫賜天下人爵一級孝者二級

紀本

帝加元服

孝昭元鳳四年帝加元服賜中二千石以下及天下

民爵

紀本

尊廟號

孝宣本始二年尊孝武廟為世宗廟巡狩所幸之郡國皆立廟賜民爵一級

紀本

褒吏治

孝宣神爵四年潁川太守黃霸治行賜爵及潁川吏民有行義者爵人二級力田一級正婦順女帛

紀本

災異

孝元永光二年詔陰陽不調三光晦昧其大赦天下賜民爵一級吏六百石呂上爵五大夫勤事吏各三

級本紀

匈奴朝

孝成河平四年匈奴來朝赦天下徒賜孝弟力田爵

二級本紀

賜民爵瓚曰民賜爵有罪得以減也一級

賜民爵戶一級師古曰家長受也

賜天下民當為父後者爵一級師古曰雖非已生正嫡但為後者即得賜爵

賜民長子爵一級元光元年

孝惠六年令民得賣爵

本紀

孝文後六年夏旱令民得賣爵

本紀

鬻爵

孝惠元年民有罪得買爵三十級以免死罪

應劭曰一級直錢二

千凡為六萬見本紀

晁錯說上曰今募天下入粟縣官得呂拜爵得以除罪入粟受爵至五大夫呂上廼復一人耳於是文帝從錯之言令民入粟邊六百石爵上造稍增至四千石為五



大夫萬二千石為大庶長各以多少級數為差

食貨志

又言募民徙塞事募不足募輸奴婢欲以拜爵者上從

其言

本傳

景帝上郡呂西旱復修賣爵令而裁其賈呂招民

食貨志

武帝時兵革數動民多買復及五大夫千夫調發之士

益鮮於是除五大夫千夫為吏

同上

孝成鴻嘉三年令民得買爵賈級千錢

本紀

永始二年詔曰關東比歲不登吏民以義收食貧民入

穀物助縣官賑贍者已賜直其百萬呂上加賜爵右更  
欲為吏補三百石其吏也遷二等三十萬呂上加賜爵五

大夫吏亦遷二等民補郎

紀本

西漢會要卷三十五

欽定四庫全書

西漢會要卷三十六

宋 徐天麟 撰

職官六

特進

王譚位特進領城門兵

外戚傳按漢雜事諸侯功德優盛朝廷所敬異者賜位特進位

莽三公  
上開秩

王商位特進領城門兵置幕府得舉吏如將軍

傅喜位特進奉朝請

薛宣加寵特進位次師安昌侯給事中視尚書事

張禹以列侯朝朔望位特進見禮如丞相置從事史五

人並本傳

領尚書事

霍光霍山以大將軍領尚書事

張安世以車騎將軍領尚書事又以衛將軍領尚書事

師丹以左將軍領尚書事

蕭望之以前將軍領尚書事

王鳳大司馬領尚書事

鄭寬中以光祿大夫領尚書事

張山拊傳

孔光光祿勳領尚書事

張禹光祿大夫領尚書事

霍山奉車都尉領尚書事

並本傳

周堪光祿大夫領尚書事

劉向傳

車騎將軍王音內領尚書外典兵馬

母將隆傳

史高以外屬為大司馬車騎將軍領尚書事

匡衡傳

平尚書事

于定國光祿大夫平尚書事

張敬中大夫平尚書事

領他官

桑弘羊為治粟都尉領大農

食貨志

東邪咸陽孔僅為大農丞領鹽鐵事

食貨志

霍山奉車都尉侍中領三輔胡越騎

本傳

孔光為帝太傅領宿衛

本傳

王譚王商位特進領城門兵

元后傳

金涉為侍中騎都尉領三輔胡越騎

本傳

鍾元為尚書令領廷尉

何並傳

劉向以故九卿召拜為郎中領護三輔都水

本傳

息夫躬以左曹光祿大夫使持節領護三輔都水

本傳

馮參為諫大夫領護左馮翊都水

本傳

劉向為光祿大夫領校中五經祕書

劉歆河平中受詔與父向領校祕書

本傳

兼官

張安世車騎將軍光祿勳又遷右將軍光祿勳

宣帝徙度遼將軍未央衛尉范明友為光祿勳

宣帝拜蕭望之為前將軍光祿勳

趙充國權為後將軍兼水衡都尉征匈奴還為後將軍

少府

王莽為右將軍衛尉



右將軍典屬國常惠馮奉世

王尊轉守槐里兼行美陽令事

並本傳

行官闕則卑者攝為之曰行

張湯韓安國並呂御史大夫行丞相事

平陽侯曹窋行御史大夫事

呂后本紀八年劉放刊誤曰校表及張蒼傳高后四

年窋為御史大夫誅諸呂後免則非行也疑此紀誤

太僕臣賀行御史大夫事

三王世家

行太常事大中大夫劉歆

莽平王后傳

汾陽侯靳石為太常行太僕事

韓延年為太常行大行令事

功臣表

行大鴻臚事少府樂成

太子少傅臣安行宗正事

少府忠行廷尉事

王溫舒為右輔行中尉

留侯張良行太子少傅事

黃霸廷尉監行丞相長史事

蓋寬饒遷諫大夫行郎中戶將事

王尊守京輔都尉行京兆尹事

劉德宗正行京兆尹事

翟義南陽都尉行太守事

王尊轉守槐里兼行美陽令事

本傳

守

如淳曰諸官初加皆試守一歲延為真食全奉

朱雲以六百石秩守御史大夫

光祿大夫劉辟疆守長樂衛尉

守少府蕭望之

蕭育泰山太守入守大鴻臚

執金吾任宏守大鴻臚

哀紀

御史臣光守尚書令

三王世家

趙廣漢京輔都尉守京兆尹

龔勝光祿大夫守右扶風

王訢為右輔都尉守右扶風武帝出駐車拜訢為真

薛宣入守左馮翊滿歲稱職為真

朱博呂高第入守左馮翊滿歲為真並本傳

守丞相長史邊通張湯傳

守軍正丞胡建

守廷史路溫舒

張敞守大原太守

王尊守京輔都尉並本傳

茂陵守令尹公原涉傳

華陰守丞嘉朱雲傳

假假攝也

漢二年拜曹參為假右丞相入屯兵關中本傳

假稻田使者燕倉

趙充國以假司馬從貳師將軍本傳

軍候假丞杜勳陳湯傳

宿衛

漢二年六月漢王還櫟陽令諸侯子在關中者皆集櫟

陽為衛

高紀

高帝崩陳平畏讒固請之得宿衛

陳平傳

高后二年齊哀王遣弟章入宿衛於漢封朱虛侯四年封章弟興居為東牟侯皆宿衛長安

文帝入未央宮有謁者十人列戟衛端門

周勃傳

武帝時董仲舒對策曰使諸列侯郡守二千石各擇其吏民之賢者歲貢各二人以給宿衛

本傳

終軍曰得列宿衛食祿五年

本傳

王臧上言宿衛累遷一歲至郎中令

本傳

張安世輔政宿衛十有三年封為富平侯

本傳

昭帝時燕王旦上書願歸符璽入宿衛

宣帝地節二年詔曰博陸侯宿衛武帝三十餘年

陽城侯劉德親行謹厚以德得官宿衛者二十餘年  
魏相奏張安世子延壽重厚可以為光祿勳領宿衛臣  
楊惲與孫會宗書曰幸賴先人餘業得備宿衛

馮參為黃門郎給事中宿衛十餘年

孔光為帝太傅位四輔給事中領宿衛



成帝詔曰車騎將軍王音宿衛忠正勤勞王家

元后益封孔光詔曰博陸侯光宿衛四世世為傅相光  
祿勳豐宿衛三世奉車都尉甄邯宿衛勤勞建議定策

待詔

尚方待詔

郊祀志

待詔金馬門

公孫弘劉向馮商  
張子喬華龍柳官

待詔公車

東方朔朱  
買臣谷永

待詔承明之庭

楊雄

欽定四庫全書

西漢會要  
卷三十六

八

待詔殿中

韓生以易召  
待詔殿中

待詔五柞宮

執金吾  
廣意

待詔丞相府

劉德

待詔官者廬

東方朔  
劉向翼奉

待詔黃門

李尋梁  
邱賀

武帝詔求能為韓詩者召蔡義待詔

伍宏呂鑿待詔

吾邱壽王呂善格五待詔

宣帝詔見王褒以為待詔

何武傳

魏相奏言知音善鼓雅琴者趙定龔德皆召見待詔

本草待詔

郊祀志

成帝時言祭祀方術者皆得待詔

郊祀志

上計

孝武元封五年三月至泰山增封因朝諸侯王列侯受

郡國計

本紀師古曰若今之諸州計帳也

太初元年春受計於甘泉

紀下同

欽定四庫全書

西漢會要

九

天漢三年三月行幸泰山修封祀明堂因受計

太始四年三月行幸泰山因受計

孝宣黃龍元年詔曰上計簿具文而已務為欺謾以避

其課御史察計簿非實者按之使真偽毋相亂

本紀臣天麟謹

按通典云漢制郡守歲盡遣上計掾史各一人條上郡內眾事謂之計簿

嚴助願奉三年計最

本傳如淳曰舊法當使丞奉計今助自願入奉也

京房為魏郡太守自請歲竟乘傳奏事天子許焉

傳

張蒼為計相一月更以列侯為主計四歲蕭何為相國

令蒼以列侯居相府領郡國上計者

本傳

司隸校尉奏丞相衡位三公領計簿而顯地盜上

本傳

郝賢坐為上谷太守入弋財物計謾免表

西漢會要卷三十六

欽定四庫全書

西漢會要卷三十七

宋 徐天麟 撰

職官七

秩祿

萬石

穀月三百五十斛

太師

太傅

太保

丞相

太尉

御史大夫

前後左右將軍

並表下同

中二千石

師古曰中二千石實得二千石也中之言滿也月得百八十斛是為一歲凡得二千一百

六十石言二千石者舉成數耳

太常

光祿勳

衛尉

太僕

廷尉

大鴻臚

宗正

大司農

少府

執金吾

真二千石

臣天麟謹按外戚傳容華秩視真二千石在中二千石之下二千石之上師古曰真二千



石月得百五十斛一歲九得千八百石又按如淳注汲黯傳亦云諸侯相秩真二千石月得百五十斛臣瓚注表迺此秩欠考東京則有此秩矣

二千石

師古曰穀月百二十斛一歲凡得一千四百四十石

太子太傅

荀悅漢紀自太子太傅至扶風比二千石

太子少傅

詹事

茂陵中書秩真二千石

將作少府

大長秋

長樂少府

建平四年四大后各置少府皆中二千石

長信少府

典屬國

水衡都尉

京兆尹

左馮翊

右扶風

以上並表後漢志云三輔皆秩中二千石

京輔都尉

左輔都尉

右輔都尉

以上元帝增秩

司隸校尉

荀悅紀校尉並比二千石

城門校尉

中壘校尉

屯騎校尉

步兵校尉

越騎校尉

長水校尉

胡騎校尉

射聲校尉

虎賁校尉

諸侯相

初金印吳楚反

後改銀印初真二千石在郡守上

郡太守

增秩者為中二千石元帝建昭二年益三河大郡大

守

長信中太僕

以上表諸侯太傅

諸侯御史大夫

後漢志漢初傅相御史大夫及諸卿皆秩二千石

諸侯中尉

哀帝曰傅相中尉皆國二千石

中少府

師丹傳

左曹

右曹

大郡都尉

元帝紀

州牧

朱博傳秩真二千石

長陵令

呂后六年秩長陵令二千石

大內

史記孝景本紀

比二千石

穀月百斛

丞相司直

護軍都尉

光祿大夫

比印綬增

秩者為中二千石

五官中郎將

左中郎將

右中郎將

虎賁中郎將

監羽林中郎將

西域都護

奉車都尉

駙馬都尉

騎都尉

郡都尉

以上並表

千石

穀月九十斛

丞相長史

大司馬長史

御史中丞

將軍長史

太常丞

光祿丞

衛尉丞

六典注  
比千石

太僕丞

大鴻臚丞

宗正丞

大司農丞

少府丞

執金吾

廷尉正

廷尉左監

廷尉右監

蜀悅漢紀正  
監秩比千石

諸侯郎中令

諸侯僕

武帝損郎中令秩千石僕秩亦千石後漢志僕比三千石

萬戶縣令

侯國相以

表上

比千石

穀月八十斛

大中大夫

郎中車將

郎中戶將

郎中騎將

謁者僕射

期門僕射

八百石

成帝陽朔二年除吏八百石秩李奇曰除八百就六百

比八百石

諫大夫表

六百石

將作少府丞

詹事丞

水衡都尉丞

廷尉左平

廷尉右平

京兆丞

左馮翊丞

右扶風丞

京輔都尉丞

右輔都尉丞

左輔都尉丞

郡長史

州刺史

郡太守丞

郡都尉丞

萬戶縣令

侯國相以上表

朔方刺史

太子門大夫

太子庶子

以上表注

太常掌故

晁錯傳

武騎常侍

司馬相如

傳

公車司馬令

漢官儀

大廐令

後漢志本注

有六廐皆六百石令

未央令

家馬令

車府令

路軫令

騎馬令

式道左候

式道右候

式道中候

廩犧令

外史

閭師

以上孝平紀

比六百石

博士

議郎

左中郎

右中郎

五官郎中

戊巳校尉

太子洗馬

謁者

五百石

成帝陽朔二年除吏五百石秩李奇曰除五百就四百

縣長

候國相

四百石

穀月五十斛

縣丞

縣尉

此四百石

穀月四十五斛

五官侍郎

左侍郎

右侍郎



三百石 穀月四十斛

次縣長

侯國相

比三百石

五官郎

左郎中

右郎中

二百石 穀月三十斛

左馮翊卒史

黃霸傳

縣丞

縣尉

比二百石 穀月二十七斛

百石 穀月十六斛又律百石奉月六百

御史屬

匡衡傳

左右內史卒史

郡國五經卒史

大行卒史

以上儒林傳

長安游徼

長安獄史

以上趙廣漢傳

比百石

斗食

師古曰斗食者言一歲不滿百石日食一斗二升

大司農屬

佐史

漢官名秩爵云穀月八斛

增秩

汲黯以諸侯相秩居淮陽

詔增符璽郎秩二等

霍光傳

宣帝時二千石有治理效輒以璽書勉厲增秩賜金

循吏

傳如淳曰太守雖號二千石有千石八百石居者功德茂異乃得滿秩

王成為膠東相治甚有聲宣帝最先褒之下詔曰膠東相成治有異等其秩成中二千石賜爵關內侯

潁川太守黃霸秩以八百石居以治行褒揚秩中二千石

召信臣為南陽太守為百姓興利又為河南太守治行

第一數增秩賜金

周堪召拜光祿大夫秩中二千石

此類甚多  
舉一為例

小黃令焦延壽舉最當遷三老官屬上書借留有詔許

增秩留

京房傳

馮野王為大鴻臚王舅不宜備九卿以秩為上郡太守  
班伯遷水衡都尉秩中二千石

蕭咸為弘農河東太守所居有政迹數增秩賜金

蕭由遷江夏太守平江賊成重等有功增秩

陳立為巴郡太守秩中二千石居

西南夷傳

平帝元始元年賜吏在位二百石以上壹切滿秩如真

### 益吏祿

孝惠即位詔曰吏所以治民也能盡其治則民賴之故

重其祿所以為民也

紀下同

孝宣神爵三年詔曰吏不廉平則治道衰令小吏皆勤  
事六奉祿薄欲其毋侵漁百姓難矣其益吏百石以下

卷十五

韋昭曰若食一斛則益五斗

蓋成綏和元年益大司馬大司空奉如丞相

班序

太師位在太傅上太保次太傅太傅位在三公上

武帝呂衛青為大將軍位在諸公上

漢興置大將軍驃騎將軍位次丞相

舊列侯奉朝請者位次三公

元壽二年賜大司馬位在司徒上

御史大夫位上卿

前後左右將軍位上卿

詹事位在長秋上

中太僕位在正卿太僕上

給事中位次侍中中常侍

並表

故事司隸校尉位在司直下其有所會居二千石前

翟方

進傳

諸侯羣臣朝十月儀先平明謁者治禮引呂次入殿門  
傳曰趨殿下郎中挾陛陞數百人功臣列侯諸將軍軍

吏呂次陳西方東鄉文官丞相以下陳東方西鄉大行  
設九賓臚句傳於是皇帝輦出房引諸侯王呂下至吏

六百石呂次奉賀

叔孫  
通傳

諸侯王

相國

太師

太傅

太保

丞相

大司馬

御史大夫

大將軍

列將軍兼官

特進

列將軍

列侯奉朝請

太常

光祿勳



衛尉

太僕

廷尉

宗正

大司農

大鴻臚

少府

長信少府

中少府

執金吾

太子太傅

水衡都尉

京兆尹

左馮翊

右扶風

典屬國

將作少府

就國侯

潁川三河太守

齊楚等相

東海等太守

高密等侯

太子少府

太子詹事

關內侯

丞相司直

與州郡叙則居  
刺史守相上

司隸校尉

與州郡叙則居  
刺史守相上

城門校尉

八校尉

搜粟都尉

光祿大夫

非中二千石者

叙在三輔  
都尉下

御史中丞

與刺史守相  
叙則居其上

丞相長史

三輔都尉

五官左右中郎將

羽林中郎將

護軍都尉

奉車都尉

秩光祿  
大夫者

在關內  
侯下

駙馬都尉

騎都尉

尚書令

西域都護

大中大夫

尚書僕射

尚書

諸侯太傅

十三州刺史

與守相叙則居其上

朔方刺史

郡都尉

關都尉

農都尉

屬國都尉

西域副都尉

郎中車將

郎中戶騎二將

諸侯中尉

諸侯內史

諫大夫

太子家令

博士

九卿列卿丞

謁者僕射

公車司馬令

將軍長史

廷尉正監

長安令

千石令

黃門侍郎

尚書丞郎

議郎

五官左右中郎

從事中郎

太史令

廷尉平

三輔丞

六百石令

五百石長

郡司馬長史

五官左右侍郎

太守丞

都尉丞

三百石長

侍御史

太子門大夫

五官左右郎中

太子庶子

中庶子

太子舍人

太子洗馬

羽林郎

蠻夷叙位

孝宣甘露三年匈奴呼韓邪單于款五原塞願奉國珍  
朝三年正月詔公卿議其儀丞相霸御史大夫定國議  
曰聖王之制施德行禮先京師而後諸夏先諸夏而後  
邊方詩云率禮不越遂視旣發相土烈烈海外有截陛  
下聖德充塞天地光被四表匈奴單于鄉風慕義舉國  
同心奉珍朝賀自古未之有也單于非正朔所加王者  
所容也禮儀宜如諸侯王稱臣昧死再拜位次諸侯王

下太子太傅蕭望之以為單于非正朔所加故稱敵國  
宜待以不臣之禮位在諸侯王上殊域稽首稱藩中國遜  
而不臣此則羈縻之誼謙亨之福也書曰戎狄荒服言  
其來服荒忽亾常如使匈奴後嗣卒有烏窳鼠伏闕於  
朝享不為畔臣信義行乎蠻貉福祚流於亾窮萬世之  
長策也天子采之下詔曰蓋聞五帝三王教化所不施  
不及以政今匈奴單于稱北蕃朝正朔朕之不逮德不  
能弘覆其以客禮待之令單于位在諸侯王上贊謁稱

臣而不名  
宣紀及蕭  
望之傳

西漢會要卷三十七



欽定四庫全書

西漢會要卷三十八

宋 徐天麟 撰

職官八

使外國

孝武建元中月氏怨匈奴漢廼募能使者張騫以郎應

募使月氏

張騫傳

元封五年詔令州郡察吏民有茂材異等可使絕國者

紀本

天漢元年遣蘓武以中郎將使持節送匈奴使留在漢者武與副中郎將張勝及假吏募士斥侯百餘人俱武蘓

傳

邛笮願為內臣妾孝武廼拜司馬相如為中郎將建節往使副使者王然于壺充國呂越人馳四乘之傳以賂

西南夷至蜀大守呂下郊迎縣令負弩矢先驅

司馬相如傳

天子聞張騫之言欲從蜀求大夏道廼令因蜀犍為發

間使四道並出出駝出荏出徒斯印出棘

張騫傳師古曰間使者求

間隙而行又劇通傳注間使謂使人伺間隙而單行

孝昭始元六年移中監蘓武前使匈奴留十九歲廼還

奉使全節呂武為典屬國

紀本

宣帝時光祿大夫義渠安國使行諸羌

趙充國傳

元康元年上令羣臣舉可使西域者前將軍韓增舉上

黨馮奉世以衛候使持節送大宛諸國客

馮奉世傳

元帝初元四年衛司馬谷吉使匈奴不還

紀本

建昭三年使護西域騎都尉甘延壽副校尉陳湯矯發  
戊巳校尉屯田吏士及西域胡兵攻郅支單于斬其首

傳詣京師

紀本

蕭育遷謁者使匈奴副校尉

師古曰時呂校尉為使於匈奴而育為之副故授副

校尉

後復為中郎將使匈奴

蕭望之傳

蕭咸為中郎將使匈奴蕭由遷謁者使匈奴副校尉金

參使匈奴匈奴中郎將

師古曰呂其出使匈奴故拜為匈奴中郎將

行水灾流民

孝武元狩三年遣謁者勸有水灾郡種宿麥舉吏民能

假貸貧民者呂名聞

紀本

元鼎二年九月詔方今水潦移於江南方下巴蜀之粟

致之江陵遣博士中等分循行諭告所抵毋令重困吏

民有賑救饑民免其危者具舉以聞

紀本

元鼎中博士徐偃使行風俗偃矯制使膠東魯國鼓鑄

鹽鐵中軍奏偃矯制顛行非奉使體

終軍傳

孝昭始元二年三月遣使者賑貸貧民毋種食者

紀本

孝宣本始四年正月詔今歲不登已遣使者賑貸困乏

紀本

孝成建始三年九月詔迺者郡國被水災流殺人民遣

諫大夫林等循行天下

紀本

河平四年三月遣光祿大夫博士嘉等十一人行舉瀕

河之郡水所損傷困乏不能自存者財賑貸避水它郡

國在所冗食之舉淳厚有行能直言之士

紀本

平當行流民幽州奉使十一人者為最

本傳

陽朔二年秋關東大水流民欲入關者勿苛留遣諫大

夫博士分行視九月奉者不稱

本紀

鴻嘉四年正月詔水旱為災關東流冗者眾已遣使者  
循行郡國被菑害什四呂上民貲不滿三萬勿出租賦

逋貸未入皆勿收流民欲入關輒籍內

本紀

孝哀初即位詔迺者河南潁川郡水出流殺人民壞廬  
舍已遣光祿大夫循行舉籍賜死者棺錢人三千

本紀

舉賢觀風

孝武元狩六年遣博士大等六人分循行天下存問鰥寡廢疾亡呂自振業者貸與之諭三老孝弟呂為民師舉獨行之君子召詣行在所士有特招使者之任也詳問隱處亡位及寃失職姦猾為害野荒治苛者舉奏郡國有所呂為便者上丞相御史呂聞

本紀下同

孝昭始元元年遣故廷尉王平等五人持節行郡國舉賢良問民所疾苦寃失職者

孝宣元康四年遣大中大夫彊等十二人循行天下存



問鰥寡覽觀風俗察吏治得失舉茂材異倫之士

本始二年遣使者持節詔郡國二千石謹牧養民而風德化

孝元初元元年詔方田作時朕懼蒸庶之失業臨遣光祿大夫褒等十二人循行天下存問耆老鰥寡孤獨困乏失職之民延登賢俊招顯側陋因覽風俗之化

建昭四年臨遣諫大夫博士賞等二十一人循行天下存問耆老鰥寡孤獨困乏失職之人舉茂材特立之士

孝成永始三年正月日有蝕之詔臨遣大中大夫嘉等  
循行天下存問耆老民所疾苦其與部刺史舉淳樸謙  
遜有行義者各一人

孝平元始四年遣大僕王憚等八人置副假節分行天  
下覽觀風俗

### 舉寃獄

治獄使者內者令郭穰

宣紀

孝宣五鳳四年四月日有蝕之詔呂前使使者問民所

疾苦復遣丞相御史掾二十四人循行天下舉冤獄察

擅為苛禁深刻不改者

紀本

孝成鴻嘉元年詔曰方生長時臨遣諫大夫理等舉三

輔三河弘農冤獄

紀本

成帝初即位孔光為博士數使錄冤獄行風俗賑贍流

民奉使稱旨

本傳

雜遣使

吳楚反以袁盎為大常奉宗廟使吳王吳王弟子德侯

自  
卷三十八  
為宗正輔親戚使

吳王漢傳

宣帝時蔡祭以好農使勸郡國至大官

食貨志

稻田使者燕倉

地節中光祿大夫郭昌使行河

溝洫志

李尋以騎都尉使護河隄

李尋傳

成帝時河決館陶河隄使者王延世使塞

溝洫志

鴻嘉四年河隄都尉許商與丞相許孫禁行圖視方略

溝洫志

馮野王呂故二千石使行河隄

馮野王

平當呂經明禹貢使行河為騎都尉領河隄

平當傳

河平三年謁者陳農使使求遺書於天下

孝平元始元年遣諫大夫行三輔舉籍吏民呂元壽二年倉卒時橫歛者償其直

元始二年使謁者大司馬掾四十四人持節行邊兵

元始二年郡國大旱蝗遣使者捕蝗

並本紀

奉使矯制上

武帝即位汲黯為謁者東粵相攻上使黯往視之至吳而還報曰粵人相攻固其俗不足以辱天子使者河內失火燒千餘家上使黯往視之還報曰家人失火屋比延燒不足憂臣過河內貧人傷水旱萬餘家或父子相食臣謹以便宜持節發河內倉粟以賑貧民請歸節伏矯制臯上賢而釋之

本傳

元鼎中博士徐偃使行風俗偃矯制使膠東魯國鼓鑄鹽鐵還奏事徙為大常丞御史大夫張湯劾偃矯制大

害法至死偃以為春秋之義大夫出疆有可以安社稷存萬民顓之可也湯以致其法不能詘其義有詔下終軍問狀軍詰偃曰古者諸侯國異俗分百里不通時有聘會之事安危之執呼吸成變故有不受辭造命顓已之宜今天下為一萬里同風故春秋王者無外偃巡封域之中稱以出疆何也且鹽鐵郡有餘臧正二國廢不鼓不足以為利害而以安社稷存萬民為辭何也又詰偃膠東南近琅邪北接北海魯國西枕泰山東有東海

受其鹽鐵偃度四郡口數田地率其用器食鹽不足以并給二郡邪將執宜有餘而吏不能也何以言之偃矯制而鼓鑄者欲及春耕種贍民器也今魯國之鼓當先具其備至秋乃能舉火此言與實反者非與偃以前三奏無詔不惟所為不許而直矯作威福以從民望干名采譽此明聖所必加誅也枉尺直尋孟子稱其不可今所犯罪重所就者小偃自予必死為之邪將幸誅不加而欲以采名也偃窮詘服罪當死軍奏偃矯制顛行非奉



使體請下御史召偃即罪奏可上善其詰有詔示御史

大夫

終軍傳

浩侯王恢坐使酒泉矯制害當

功臣表

宣帝元康元年上令羣臣舉可使西域者前將軍韓增  
舉上黨馮奉世以衛候使持節送大宛諸國客至伊修  
城會故莎車王弟呼屠證與旁國共殺其王萬年及漢  
使者奚充國自立為王時匈奴又發兵攻車師成不能  
下而去莎車遣使揚言北道諸國已屬匈奴矣於是攻

劫南道與軟盟畔漢從鄯善以西皆絕不通都護鄭吉  
校尉司馬意皆在北道諸國間奉世與其副嚴昌計以  
為不亟擊之則莎車日彊其執難制必危西域遂以節  
諭告諸國王因發其兵南北道合萬五千人進擊莎車  
攻拔其城莎車王自殺傳其首詣長安更立它昆弟子  
為莎車王諸國悉平威振西域奉世乃罷兵以聞帝召  
見韓增曰賀將軍所舉得其人奉世遂西至大宛大宛  
聞其斬莎車王敬之異於它使得其名馬象龍而還上

甚說議封奉世丞相將軍皆以為可獨少府蕭望之以為奉世奉使有指而擅矯制違命發諸國兵雖有功效不可以為後法即封奉世開後奉使者利以奉世為比爭逐發兵要功萬里之外為國家生事於夷狄漸不可長奉世不宜受封上善望之議以奉世為光祿大夫

馮奉

世傳

西漢會要卷三十八